

ese noho mauri do ia ha-idaua diba. Emui gunalaia taudia dekenai umui henanadai, hanua tata dekenai gorere hanamoa gabudia do idia haginia?, motuka heau dala do idia hanamoa?, inuinu ranu do idia hanamoa?, eda bese edia aonega abia daladia bona eda tanobada dekenai moni gaukara idia abia mai.

Vouti namonamo bona emui gunalaia taudia umui diba guna:

Emu vouti oi ha-kererea bona murinai oi helalo dikadika danu? Inai be laloo auka ia abia mai bona noho mauri ia hadikaia danu.

Unai totona emu vouti oi karaia namonamo bona gunalaia tauna namona ta oi abia hidi. Bema lasi neganai, oi be lagani ima, metau badaherea do oi davarua diba.

Campaign nega ia mai neganai, oi sibona oi henanadai. Dahaka totona inai tauna ia ura lau bona egu bese totona ia gini?. Ita tata be namo, ita kavakava lasi, bema candidate ta ia mai neganai, oi laloo namonamo guna bona ena moni bona aniani oi hoalaia lasi. Inai bamona dala be oi emu noho do ia hadikaia diba bona vaira kahana oi laloo namonamo.

Oi sibona danu oi henanadai, inai tauna be edana bamona dala dekenai durua do ia abia mai eda hanua tata dekenai. Dahaka do idia karaia bona bese edia noho mauri do ia hanamoa inai nega dekenai bona vaira nega dekenai.

Bema ita vouti namonamo lasi neganai, vaira lagani ima lalonai noho mauri do ia auka diba. Durua gaukara hegeregere, gorere hanamoa gabudia lasi, sikuli lasi, motuka heau dala lasi bona inua ranu lasi neganai, mauri do ia auka momokani.

Unai totona, ita ibounai ita laloo namonamo guna bona eda gunalaia tauna namona ta ita abiahidi bona inai tauna ese durua namona do ia abia mai eda bese edia noho hanamoa totona. Laloo namonamo, vouti hora be nega sisina sibona do oi henia to, mauri aukana be vaira laganai ima do oi abia diba bema oi vouti kerere neganai.

Vouti tamona lalonai abiahidi toi do oi karaia. LPV ena vouti dala matamata mani ita itaia.

LPV vouti dala matamata idia haginia be idia ura vouti dala ia hanamoa. Guna ena vouti be daika maka momo ia abia tauna ese ia kwalimua. Inai ena anina, taunimanima ta be do ia kwalimu diba bema ena gabu

taudia sibona ese edia vouti idia henia neganai. Inai dala be ia namo lasi.

LPV dala matamata be vaira lagani, 2007 lalonai do ita gaukaralaa. Inai ena anina oi be taunimanima toi do oi makaia diba bona kwalimu tauna ese oi do ia gunalaia, Parliament dekenai. Daika vouti momo do ia abia tauna do ia kwalimu diba. Inai tauna be namo hutuma kaha badana ia abia murinai. Inai dala be ia maoro.

Oi be nega tamona do oi vouti diba, to emu pepa dekenai be maka toi do oi atoa. Inai vouti dala matamata be inai bamona.

- Oi ura henia dikadika tauna vouti ginigunana oi henia. Bema oi laloo ia be oi emu durua tauna korikori.
- Vouti iharuana be tau iharuana oi henia, bema oi laloo, inai tauna be tau namona ta bona bema emu vouti ginigunana ia moru neganai, tau iharuana do ia gini diba.
- Vouti ihatoina be emu ura tauna ta oi henia. Bema vouti ginigunana bona iharuana idia moru neganai, tau ihatoina do ia gini diba.
- Laloatao kwalimu tauna be tamona sibona.